



UKA2015/113

Randi Vestergaard Evaldsen

21. oktober 2015

Naalakkersuisut oqartussaaffiit nunatsinnut angerlaassassarineqarsinnaasut ilanngussaq 1-imi allassimasut Namminersorlutik Oqartussat inatsisaani allassimasuni suliassa qarfiit pineqartut pillugit Naalakkersuisut nalunaarusioqqullugit peqquneqarnissaanik Inatsisartuni aalajangiiffigisassatut siunnersuut. Nalunaarusiaq, kingusinnerpaamik UPA2018-imi Inatsisartunut saqqummiunneqartussanngortitassaq, suliassa qarfiit ataasiakkaani tamani tulliuttunik nalunaarsuiffiussapput:

- a. Suliassa qarfiup ingerlanneranut ullumikkut Naalagaaffimmut qanoq akeqarpa, Kalaallit Nunaannullu qanoq akeqassava illersorsinnaasumik suliassa qarfik ingerlatissappagu?**
- b. Suliassat ingerlannissaani piginnaasat suut eqquutsinneqassappat, Kalaallit Nunaanni Namminersorlutik Oqartussat suliassa qarfik ingerlanneqartumik illersorneqarsinnaasumik ingerlatsissaguni?**
- c. Iluaqutigineqartussat pitsaannequtillu suliassa qarfiit ingerlanneqartut angerlaannerini suut kingunerissavai?**
- d. Suliassa qarfiit ingerlanneqartut angerlaannissaanni suliassat piffissami sivikitsup iluani, piffissami akunnattup iluani imaluunniit piffissap siviisuup ingerlanerani sularineqarlutik tulleriissarneqarnissai Naalakkersuisunit ingerlanneqartussaasorivaat?**

(Inatsisartunut ilaasortaq Aqqaluaq B. Egede, Inuit Ataqatigiit)

(Siullermeernera)

Naatsumik oqaatigalugu siunnersuut siunnersuutitsialaavoq.

Siunnersuut iluaqutigalugu danskit naalagaaffianiit oqartussaaffiit tigunissaat qanoq akeqassanersoq tamakkiisumik takuneqarsinnaalissaaq paasiuminarnerulerlunilu.

Piviusorsiortumik takusinnaalissavarput suliassa qarfiit/susassa qarfiit sorliit tigussallugit



periarfissaqarnersoq suullu angerlaannissaanut periarfissalunnerusugut.

Nassuiaat suliareqquneqartoq politikerit uagut pingaarnersiunissatsinnut sakkuussaavoq pingaaruteqarluinnartoq. Nassuiaat pigilerutsigu aamma sorliit oqartussaaffiit tiginissaannut pingaarnersiunissatsinnut tunngavissarissaarnerulissaagut tamakkiisumillu takusinnaalissavarput immikkoortut tiginissaat aningaasarsiornikkut piviusorsiornersoq.

Demokraatiniit naluneqanngitsutut assorulluta sulissutigaarput aningaasarsiornitta patajaatsunngortinnissaa kiisalu Namminersorluni Oqartussaaneq pillugu Isumaqaatigiisummi periarfissiissutigineqartut atorluarniarnissaat ingerlaqqitsigata, assersuutigalugu tunngaviusumik inatsiliornissamut piareersartussanik isumalioqatigiisitaliunngikkallarluta massakkut. Tassunga atatillugu isumaqarluinnarpugut inuiaqatigiit aningaasaataat atorluarneqarnerussagaluartut nassuiaasiornermut, tunngaviusumik inatsisiliornermut atoqinagit siunissami ungasinnerusumi aatsaat atuuttussammata.

Nassuiaasiortitsiniarta tamakkiisumik paasitinneqarniassaagut oqartussaaffinnillu angerlaassisarluta akissaqartileraangatsigit ilinniarluarsimasunillu nammineq sulisussaqaaleraangatta. Politikki taamaattoq silappaarilluinnartuuvoq.

Siunnersuut Inatsisinik atortitsinermut Ataatsimiititaliamut innersuupparput.